

舊雜譬喻經卷上

聚八

吳

康

僧

會

譯

昔無數世有一商人號曰薩薄時適他國賣
齎貨所止近在佛弟子家佛弟子家時作大
福安施高座衆僧說法講論罪福善惡由心
心身口所行及四諦非常苦空之法遠道賈
人時來寄聽心解信樂便受五戒白優婆塞
上座以法勸樂之言善男子護身口心十善
具者戒有五神五戒有二十五神現世衛護
令無枉橫後世自致無爲大道賈人聞法重

喜無量後還本國國中都無佛法便欲宣化
恐無受者以所受法教化父母兄弟妻子及
諸中外皆便奉法去賈人土千里有國民多
豐樂寶物饒好二國圯塞絕不復通百餘年
中所以故有閼叉居其道中得人便噉前後
無數是故斷絕無往來者賈人自念吾奉佛
戒如經所道及有二十五神見助不疑聽彼
鬼唯一人耳吾往伏之必獲也時有同賈五
百餘人便語衆人吾有異力能降伏鬼汝等
能行詣彼者不及有大利衆人自共議二國

不通從來大久若得達者所得不訾便相可
適進道而去來至中路見鬼食處人骸骨髮
狼籍滿地薩薄自念鬼神前後所可食人今
證驗現我死軼當恐此衆人便語衆輩汝等
住此吾欲獨進得勝鬼者當還相迎不得來
者知爲遇害便各還退勿復進也於是獨前
方行數里逢見鬼來正心念佛志定不懼鬼
到問曰卿是何人答曰吾是通道導師也鬼
大笑曰汝聞我名不而欲通道薩薄曰知汝
在此故來相求當與卿鬪若卿勝者便可食

我若我得勝通萬姓道益天下利矣鬼言誰
應先下手乎賈人言吾來相求故應先下手
鬼聽可之以右手執之手入鬼腹堅不可出
左手復打亦入如是兩脚及頭都入鬼中不
能復動於是闕叉即以頌而問曰

手足及與頭 衆八 五事雖絆羈 二 但當前就死
跳踉復何爲

賈客偈答

手足及與頭 五事雖被繫 執心如金剛
終不爲汝擘

鬼復說偈

吾為神中王 作鬼多力旋 前後噉汝輩
不可復稱數 今汝死在近 何為復調語
賈客偈答

是身為無常 吾早欲棄離 魔今適我願
便持相布施 緣是得正覺 當成無上智

鬼說偈歸依 忘妙摩訶薩 三界中希有 畢為度人師
德備將不久 願以身自歸 頭面禮稽首
於是閱叉前受五戒慈心眾生即為作禮退

永樂北藏

舊雜譬喻經

入深山薩薄還呼眾人前進彼土於是二國
並知五戒十善降鬼通道乃識佛法至真無
量皆共奉戒近然三尊國致太平後昇天得
道乃五戒賢者直信之恩力也佛告諸比丘
時薩薄者我身是菩薩行尸波羅蜜所度如
是過去無數劫爾時有孔雀王從五百婦孔
雀相隨經歷諸山見青雀色大好便捨五百
婦追青雀青雀但食甘露好果時國王夫人
有疾夜夢見孔雀王寤則白王王當重募求
之王命射師有能得孔雀王來者賜金百斤

聚八

三

第一三〇冊

婦以汝小女諸射師分布諸山見孔雀從一青雀便以蜜麩處處塗樹孔雀日日為青雀取食如是玩習人便以蜜麩塗己身孔雀便取蜜麩人則得之語人我以一山金相與可捨我人言王與我金并婦足可自畢已便持白王孔雀白大王王重愛夫人故相取願乞水來呪之與夫人飲澡浴若不瘥者相熬不晚王則與水令呪授與夫人飲病則除宮中內外諸有百病皆因此水悉得除愈國王人民來取水者無央數孔雀白大王寧可木繫

我足自在往來湖水中方呪令民遠近自恣取水王言大佳則引木入湖水中自極制方呪之人民飲水驚盲視聽跛偃皆伸孔雀白大王國中諸惡病悉得除愈人民供養我如天神無異終無去心大王可解我足使得飛往來去入湖水中瞑上此梁上宿王則令解之如是數月於梁上大笑王問曰汝何等笑答曰我笑天下有三癡一曰我癡二曰獵師癡三曰王癡我與五百婦相隨捨追青雀貪欲之意為射獵者所得是為我癡射獵人我

與一山金不取言王當與已婦并金是射獵者癡王得神醫王夫人太子國中人民諸有病者悉得除愈皆更端正王既得神醫而不牢持反縱放之是爲王癡孔雀便飛去佛告舍利弗時孔雀王者我身是也時國王汝身是時夫人者今調達婦是時獵師者調達是也昔有國王行射獵於曠澤中大飢渴疲極遙望鬱然有屋樹木即往趣之中有一女人王從求飲食果實之輩所求悉得王請女人與相見侍人白言裸形無衣王即解衣與之

有自然火燒衣如是至三王驚問女何因如此女人答言前世爲王妻王飯沙門梵志又欲上衣我時言但設飯則可不須與衣故受此罪若王相念作衣與國中沙門道士若曉佛經者呪願女人得脫此勤苦王受其言還國作衣求沙門道人了不得時國無曉佛經者王憶念問舍度父當知之度父言曰昔有人度無錢以五戒經一卷相與讀之耳王言汝知佛經則以衣與度父使呪願令裸形女人得福無量解脫勤苦女人則時有新衣著

身故在鬼道中命盡當生第一天上也

昔海邊有國王行射獵得一沙門持作伎沙門夜誦經作梵聲王言此伎大工歌有客輒伎歌時有異國優婆塞賈往到其國王請之出沙門令歌優婆塞聞說深經內心踊躍即

敬八

五

去國人以千萬往贖至三千萬王乃與之賈人作禮曰我以三千萬相贖在所到道人即彈指踊在空中曰卿自贖不贖我也所以者何往昔王爲賣葱人汝來於王買葱不畢三錢我時任卿卿遂不還三錢今此王子息乃

至三千萬汝當還本三錢也王即意解悔過受五戒爲優婆塞師曰債無多少不可負亦不任人也

佛在世有小兒與兄嫂共居兒日日到佛所受經戒兄嫂諫不止後取兒牽抱之以杖捶之言佛比丘僧當救汝兒啼呼恐怖自歸三尊則得須陀洹道永佛威神便與木抱縛相隨俱飛去出壁入壁出地入地自在所爲兄嫂見之惶怖叩頭悔過兒便爲兄嫂說善惡之行俱到佛所受戒佛則爲現宿命本末兄

嫂歡喜心開垢除得須陀洹道

昔有羅漢與沙彌於山行道沙彌日日至道人冢取飯道經歷提基上行崎嶇危嶮常躪地覆飯汙泥土沙彌取不汙飯著師鉢中取汙飯澡洗食之如是非一日師曰何因澡棄飯味答曰行乞去時晴還雨於堤基躪地覆飯師默然禪思之知是龍燒沙彌便起到堤上持杖叩擻之龍化作老公來頭面著地沙門言汝何因燒我沙彌手答曰不敢燒實愛其容貌耳龍言何以日見其行師曰行乞

飯龍言從今日為始願日日於我室食畢我壽命沙門默然受請還語沙彌汝往乞止彼食勿復持飯來沙彌日日於彼食後見師鉢中有兩三粒飯香美非世間飯問和尚曰於天上飯乎師默不應沙彌便伺師知於何許飯便入牀下持牀足和尚坐禪定意牀相隨俱飛到龍七寶殿上龍及婦諸姪女俱為沙門作禮復為沙彌作禮師乃覺呼出正汝心勿動此非常之像何因汙意飯已即將還語之彼雖有殿舍七寶婦人姪女故為畜生耳

聚八

六

沒爲沙彌雖未得道必生忉利天上勝彼百倍勿以汙意復謂沙彌言此百味飯飯入口即化成蝦蟆意惡吐唾逆反已乃却飯不復入二曰婦女端正無比欲爲夫婦禮化成兩蛇相交三曰龍背有逆鱗沙石生其中痛乃達心曾龍有此三苦汝何因欲之沙彌不應遂晝夜思想於彼不食得病而死魂神即生爲龍作子威神致猛其父命盡得脫生人中師曰人未得道不可令見道及國王內也昔有國王夫人生一女父母名爲月女端正

無比王與衣被珍寶輒言自然也至年十六王悲言此是我與汝何言自然後有乞兒來向王言此實汝夫月女言諾自然便追去乞人惶怖不敢取女言汝乞食常不飽王與汝婦何爲讓便俱出城晝藏夜進行到大國國王時崩無太子夫婦於城外坐出入行人問曰何等人汝何姓名何國來答曰自然如是十餘日時大臣使梵志八人於都城門行人出入以次相之唯有此夫婦應相耳是時舉國羣臣共奉迎之爲王王夫婦以正法治國

第八

人民安寧諸小王來朝月女父王在中飲食
已去月女特留父王月女以七寶作魚機關
帳牽一魚百二十魚現推一魚戶則開下爲
父作禮白父今已得自然父曰夫人行然臣
不及矣師曰月女與乞兒宿命夫婦俱田作
令婦取餉夫逢見婦與沙門相逢於岸水邊
止從乞婦食則分飯上道人道人止飯夫遙
見兩人不謂有惡持杖往見道人飛去婦言
卿分自在勿恚夫言兩分者我與共食也師
曰夫有惡意故墮貧家作子後見道人歡喜

自悔責故同受此福耳

昔佛徒衆比丘行逢三醉人一人走入草中
逃一人正坐搏頰言無狀犯戒一人起舞曰
我亦不飲佛酒將亦何畏乎佛謂阿難草中
逃人彌勒作佛時當得應真度脫正坐搏頰
人過千佛當於最後佛得應真度脫起舞人
未央得度也

昔有沙門晝夜誦經有狗伏牀下一心聽經
不復念食如是積年命盡得人形生舍衛國
中作女人長大見沙門分衛便走自持飯與

歡喜如是後便追沙門去作比丘尼靖進得應真道也

昔維衛佛在世時國中諸大姓各各一時供佛及比丘衆時有一大姓貧無以供佛者白言願比丘衆有欲得藥者某悉當給之時有一比丘身體有疾大姓以一甘果與之食比丘得安隱除愈大姓後壽盡生天上勝諸天有五事一者身無病二者端正三者命長四者得財富五者智慧如是九十一劫中上爲天下生大姓家不墮三惡道乃至釋迦文佛

時爲四姓家作子名曰多寶見佛歡喜作沙門精進得道號爲應真夫施高行沙門一人喻波耶穢濁一國人矣

昔有夫婦俱持五戒事沙門有新學比丘不知經至其門乞夫婦請道人前坐作飯食已畢夫婦俱下地作禮言少小事道人未曾聞經願開解蔽闇不及比丘低頭無以答曰苦哉苦哉夫婦心意俱解言世間實苦應時俱得道迹比丘見兩人歡喜亦得道迹也師曰宿命累世三人兄弟願學道迹同行故俱道

證

昔有國王出射獵還過繞塔爲沙門作禮羣臣共笑之王覺知問羣臣有金在釜釜沸中以手取可得不答曰不可得王言以冷水投中可得不臣白王可得也王言我行王事射獵所作如釜湯沸燒香然燈繞塔如持冷水投沸湯中夫作王有善惡之行何可但有惡無善手

昔有沙門行至他國夜不得入城於外草中坐至夜闋又鬼來持之當噉汝沙門言相離

遠鬼言何以爲遠沙門言汝害我我當生忉利天上汝當入地獄中是不爲遠也鬼則置辭謝作禮而去

昔有國王令人呼知識知識言謝王適穿地作坑欲藏七寶王聞大驚令人復呼知識白王今適下寶著坑中王便復令呼知識白王今適下平地平地已便往王問汝何癡藏七寶以語人耶知識言屬饌具甘美欲飯佛及比丘僧是爲穿地作坑斟布羹飯是爲下寶坑中掃地行澡水闍經是爲平地白王此寶

五家不能辱也王言善哉善哉汝不當早相告我當早相告我當數藏寶王則開藏大布施飯佛及比丘僧佛為說清淨咒願即發道意矣

昔有四姓請佛飯時有一人賣牛湏大姓留止飯教持齋戒止聽經賓乃歸婦言我朝相待未飯便強令夫飯壞其齋意雖爾七生天上七生世間師曰一日持齋有六十萬歲糧復有五福一曰少病二曰身安隱三曰少姪意四曰少睡卧五曰得生天上常識宿命所

行也

佛及比丘衆應請有一沙門與一沙彌後來道逢姪女人牽沙門沙門與之有有欲畢到飯家佛呼沙彌汝到須彌山下取甘泉來沙彌已得道便挑鉢於前叉手退須臾得水來還其師慙愧蹉跎悔過自責即得羅漢此女人宿命對也逢對畢罪乃得道矣

昔阿育王日飯千羅漢後有來年少沙門與千道人俱入宮年少沙門坐已上下視王宮殿復視正夫人不休王有恚意飯已各自去

王留上座三人問此年少從何來姓名爲何
師事誰本何許人此非沙門何因將入宮占
相正夫人眼不轉休答曰此沙門從天竺來
師名某已姓某名某有慧明達經故來以視
坐起宮殿復上視忉利天適等無異念王前
世以把沙著佛鉢中巍巍乃爾今復日飯千
羅漢其福無量也所以視正夫人者萬六千
人之上端正無比却後七日壽盡當入地獄
世間無常用是故視之耳王惶怖呼夫人自
歸三道人道言王雖日飯吾等千人千人

不能釋解夫人意故當得年少沙門爲說經
可疾見諦道王使請道人道人還王與夫人
俱頭面著地願歸命令重罪得微輕道人則
爲夫人說宿命所可經見者爲現法要應時
歡喜衣毛豎立則得須陀洹也夫人本五百
世爲道人姊宿共誓先得道當相度師曰人
無宿命終不從解亦不相見語言終不入意
人各有本師也

昔有婦人常曰我無所亡其子取母指鐲摘
去水中已住問母金鐲所在母言我無所亡

母後日請目連阿那律大迦葉飯時當得魚
遣人於市買魚歸治於腹中得金鏤母謂子
我無所亡子大歡喜往至佛所問我母何因
有此不亡之福佛言昔有一仙人居北陰寒
至冬天人人悉度山南時有老獨母貧窮不
能行獨止爲衆蓋藏器物春人悉來還母以
物一二悉付還其主衆人皆歡喜佛言時獨
母者是汝母前世護衆人物故得是無所亡
福耳。

昔有四姓家子爲離越作小居處則足自容

復作經行處後壽盡上生忉利天上得寶舍
周帀四千里所欲自樂歡喜持天華散離越
屋上天言我作小泥屋耳乃得好殿舍念恩
故來散華耳

昔有三道人共相問汝何因得道曰我於王
國中觀蒲萄大盛好至晡時人來折摘取悉
敗狼藉在地我見覺無常緣是道也一人曰
我於水邊坐見婦人洗手澡器臂鏤更相叩
因緣合乃成聲我緣是道也一人曰我於蓮
華水邊坐見華盛好至晡有數十乘車來人

馬於中浴悉取華去萬物無常乃爾我覺得道也

昔有梵志大高才學問反駁論議造立無端彈易正要引虛爲實牽物連喻莫當之者諸國遂師之後到舍衛國白曰然火行城中人

卷八

十二

問曰何以故如是曰國冥無明故然火也國王大恥之而懸鼓城門下募求明人有能折此人者時有一沙門入國問之何以有此答曰王恥梵志雖爾意有所爲有明者捶鼓沙門舉足踰之王聞大歡喜則請沙門梵志上

殿飯食沙門語王善哉是梵志智慧明達真是道人非奴非卒非擔死人種梵志默然無以答伎樂同時作便取梵志著糞箕中掃迹驅逐出國相傳告語也

昔有四姓名伊利沙富無央數慳貪不肯好衣食時有貧老公與相近居日日飲食魚肉自恣賓客不絕四姓自念我財無數反不如此老公便煞一雞炊一升白米著車上到無人處下車適欲飯天帝釋化作犬來上下視之請謂狗言汝若不能倒懸空中我當與汝

不狗便倒懸空中四姓意大恐何由有此曰
汝眼脫著地我當與汝不狗兩眼則脫落地
四姓便徙去天帝化作四姓身體語言乘車
來還勅外人有詐稱四姓驅逐捶之四姓晚
還門人罵詈令去天帝盡取財物大布施四
姓亦不得歸財物盡為之發狂天帝化作一
人問汝何以愁曰我財物了盡天帝言夫有
寶令人多憂五家卒至無期積財不食不施
死為餓鬼恒乏衣食若脫為人常墮下賤汝
不覺無常富且慳貪不食欲何望乎天帝為

說四諦苦空非身四姓意解歡喜天帝則去
四姓得歸自悔前意施給盡心得道迹也
昔有大姓家子端正以金作女像語父母有
女如此者乃當娶也時他國有女人亦端正
亦以金作男像白父母有人如此乃當嫁之
耳父母各聞有是便遠娉合此二人為夫婦
時國王舉鏡自照謂羣臣天下人顏容寧有
如我不答曰臣聞彼國有男子端正無比則
遣使請之使者至以王告之王欲見賢者則
嚴車進去已自念王以我明達故來相呼則

還取書籍之要術而見婦與客爲姦悵然懷
感爲之結氣顏色衰耗惟怪更醜臣見其如
此人行道輒軻顏色瘠瘦便斷馬廐以安措
之夜於廐中見王正夫人出與馬下人通心
乃自悟王夫人當如此何況我婦乎意解顏
色如故則與王相見王曰何因止外三日答
曰臣來相迎我有所忘道還歸取之而見婦
與奴爲姦意忿之爲慘怒顏色衰變住廐中
三日昨於廐見正夫人來與養馬兒私通夫
人乃爾何況餘乎意解顏色復故王言我婦

尚爾何況凡女人兩人俱便入山除鬚髮作
沙門思惟女人不可與從事精進不懈俱得
辟支佛道也

昔有婦人生一女端正無比年三歲國王取
視呼道人相後中夫人不道人言此女人有
夫王必後之我當牢藏之便呼鵠十四來汝所處
在何所白王我止大山半有樹人及畜獸所
不得歷下有洄瀘水船所不行王言以此女
寄汝養便撮持去日日從王取飯與女如是
久後上有一聚卒爲水所漂去有一樹正倚

退水下流有一男子得抱持樹墮洄水中不得去迴抱樹踊出住倚山男子得上鵠樹與女通女便藏之鵠日舉女稱之已重子身來者輕也鵠覺女重左右求得男子舉棄之往如事白王王曰道人工相人也師曰人有宿命對非力所能制也逢對則相可諸畜生亦如是也

昔有國王持婦女急政夫人謂太子我爲汝母生不見國中欲一出汝可白王如是至三太子白王王則聽太子自爲御車出羣臣於

道路奉迎爲拜夫人出其手開帳令人得見之太子見女人面而如是便詐腹痛而還夫人言我無相甚矣太子自念我母尚如此何況餘乎夜便委國去入山中遊觀時道邊有樹下有好泉水太子上樹逢見梵志獨行來入水洗浴出飯食作術吐出一壺十五壺中有女人與於屏處作家室梵志遂得卧女人則復作術吐出一壺壺中有年少男子復與共卧已便吞壺須臾梵志起復內婦著壺中吞之已作杖而去太子歸國白王請道人及諸臣

下持作三人食著一邊梵志既至言我獨自耳太子曰道人當出婦共食道人不得止出婦太子謂婦當出男子共食如是至三不得止出男子共食已便去王問太子汝何因知之答曰我母欲觀國中我爲御車母出手令人見之我念女人能多欲便詐腹痛還入山見是道人藏婦腹中當有姦如是女人姦不可絕願大王赦宮中自在行來王則勅後宮中其欲行者從志也師曰天下不可信女人也

昔有二人從師學道俱去到他國於道路見象迹一人言此母象懷雌子象一目盲象上有一婦人懷女兒一人言爾何知曰以意思知也汝不信者前到當見之二人俱及象悉如所言至後象與人俱生如是一自念我與俱從師學我獨不見要後還白師我二人俱行此人見一象迹別若干要而我不解願師重開講我不偏頗也師乃呼一人問何因知此答言是師所常道者也我見象小便地知是雌象見其右足踐地深知懷雌也見道邊

右面草不動知右目盲見象所止有小便知是女人見右足踏地深知懷女我以纖密意思惟之耳師曰夫學當以意思惟一密乃達之也夫簡略者不至非師之過也

昔有婦人富有金銀與男子交通盡取金銀

聚八

十六

衣相追俱去到急水邊男子言汝持財物來我先度之當還迎汝男子便走去不還婦人獨住在水邊見狐捕取鷹捨取魚不得魚復失鷹婦謂狐汝化癡其捕兩不得一狐言我癡尚可汝癡劇我也

昔龍王女出遊爲牧牛者所縛捶國王出行界見女便解之便使去龍王問女何因啼泣女言國王枉捶我龍王曰此王常仁慈何橫捶人龍王冥作一蛇於牀下聽王王語夫人我行見小女兒爲牧牛人所捶我解使去龍王明日人現來與王相見語王王有大恩在我許女昨行爲人所捶得王往解之我是龍王也在卿所欲得王言寶物自多願曉百鳥畜獸所語耳龍王言當齋七日七日訖來語慎勿令人知也如是王與夫人共飯見蛾雌

語雄取飯雄言各自取雌言我腹不便王失笑夫人言王何因笑王默然後與夫人俱坐見蛾緣壁相逢爭共鬪墮地王復失笑夫人

言何等笑如是至三言我不語汝夫人言王不相語者我當自煞王言待我行還語汝王

衆八

十七

便出行龍王化作數百頭羊度亦有懷妊孖羊呼羝羊汝還迎我羝羊言我極不能度汝孖言汝不度我我自煞汝不見國王當爲婦死羝羊言此王癡爲婦死耳汝便死謂我無孖羊也王聞之王念我爲一國主不及羊智

乎王歸夫人言王不爲說者當自煞耳王言汝能自煞善我宮中多有婦女不用汝爲婦曰癡男子坐婦欲煞身也

昔有一國五穀熟成人民安寧無有疾病晝夜妓樂無憂也王問羣臣我聞天下有禍何類答曰臣亦不見也王便使一臣至隣國求買之天神則化作一人於市中賣之狀類如猪持鐵鎖繫縛臣問此名何等答曰禍母曰賣幾錢曰千萬臣便顧之問曰此何等食曰日食一升針臣便家家發求針如是人民兩

兩三三相逢求針使至諸郡縣擾亂在所患
毒無慘臣白王此禍母致使民亂男女失業
欲煞棄之王言大善便於城外刺不入斫不
傷枯不死積薪燒之身體赤如火便走出過
里燒里過市燒市入城燒城如是過國遂擾
亂人民飢餓坐獸樂買禍所致也

昔有鸚鵡飛集他山中山中百鳥畜獸轉相
重愛不相殘害鸚鵡自念雖爾不可久也當
歸爾便去却後數月大山失火四面皆然鸚
鵡逢見便入水以羽翅取水飛上空中以水

毛潤水灑之欲滅大火如是往來往來天神
言吐鸚鵡汝何以癡千里之火寧爲汝兩翅
水滅乎鸚鵡曰我由不知而滅也我曾客是
山中山中百鳥畜獸皆仁善要爲兄弟我不
忍見之耳天神感其至意則雨滅火也

佛與比丘俱行避入草中阿難問佛何因捨
道行草中佛言前有賊後三梵志當爲賊所
得三人後來見道邊有聚金便止共取令一
人還聚中市飯一人取毒著飯中殺二人我
當獨得金二人復生意見來便共殺之已便

食毒飯俱死三人各生惡意展轉相殺如是也

昔有四姓藏婦不使人見婦使青衣作地窟與琢銀兒相通夫後覺婦言我生不行卿莫妄語夫言當將汝至神樹所婦言佳持齋七日入齋室婦密語琢銀兒汝當云何汝詐作狂亂投於市逢人抱持牽引之夫齋竟便將婦出婦言我生不見市卿將我過市琢銀兒便抱持卧地在所爲婦便孝呼其夫何爲使人抱持我夫言此狂人耳夫婦俱到神所叩

頭言生來不作惡但爲此狂所抱耳婦則得活夫默然而慙婦人姦詐乃當如是也

昔有一女行適人諸女共送於樓上飲食相娛樂橘子墮地諸女共觀誰敢下取得橘來當共爲作飲食當嫁女便下樓見一童子已

聚八

十九

取橘去女言童子以橘相與童子曰汝臨嫁時先至我許我還橘不爾不相與女言諾童子便與橘女得持還衆人共作飲食送女至夫所女言我有重誓願先見童子還爲卿婦夫便放去出城逢賊女向賊求哀我有重誓

當解賊放去適前途噉人鬼女叩頭願乞解
誓鬼放去到童子門請前坐童子不干爲設
飲食以私金一餅送之師曰如是夫賊鬼童
子四人皆善雖爾意有所在或有言夫勝者
爲持婦急言賊勝者爲持財物急言鬼勝者
爲持飲食急言童子勝者爲謙謙也

昔有沙門飯已滅除莊飾面目整頓衣被視
前後阿難白佛言此比丘非法乃爾佛言適
以從女中來餘態未盡故耳比丘則現羅漢
道般泥洹去也

昔舍衛城外有家人婦爲清信女戒行純具
佛自至門分衛婦以飯著鉢中却作禮佛言
種一生十種十生百種百生千種如是生萬
生億得見諦道其夫不信道德默於後聽佛
咒願曰瞿曇沙門言何若過甚哉施一鉢飯
乃得爾所福復見諦道佛言卿從何所來答
曰從城中來佛言汝見尼拘類樹高幾許答
曰高四十里歲下數萬斛實其核大如芥子
答曰少少耳佛言一外乎答曰一核耳佛言
汝語何若過乎栽種一芥子乃高四十里歲

下數十萬子答曰實爾佛言地者無知其報
力爾何況歡喜持一鉢飯上佛其福不可稱
量夫婦心意開解應時得須陀洹道也

昔有沙門已得阿那含道於山上煮草染衣
時有失牛者遍求牛見山上有火煙便往視

衆八

二十

見釜中悉牛骨鉢化成牛頭架梁化成牛皮
人便以骨繫頭徇行國中衆人共見之沙彌
見日已中捶撻抵不見師至便入戶坐思惟
見師乃人所尋則往頭面著足言何因如此
曰久遠時罪也沙彌言可暫歸食兩人則放

神足俱去沙彌未得道常有恙未除顧見清
信士及國人國人乃取我師如此使龍雨砂
石動此國令之恐怖念此適竟四面雨沙城
塢屋室皆悉壞敗師言我宿命一世屠牛爲
業故得此殃耳汝何緣作此罪乎汝去不須
復與我相追師曰罪福如是可不慎矣
昔有國王大臣五人一臣宿請佛佛不受臣
則還因王請佛佛言此臣今必命當終明日
將誰復作福乎臣嘗令相師相之云當兵死
常以兵自衛已亦拔劍持之夜極欲卧以劍

付婦持之婦睡落劍斷其夫頭婦便啼叫言
君死王則召四大臣問汝曹營衛之微修姦
變其婦與相隨而忽至此罪爲誰在邊者便
斬四臣右手阿難問佛何因佛言其夫前世
作牧羊兒婦爲白羊母其四臣前世作賊見
兒牧羊便呼兒俱舉古手指令殺白羊母與
五人烹之兒啼泣悲哀殺羊食賊如是展轉
生死今世共會故畢其宿命罪也

昔有大姓家富巨億常好惠施所求不違後
生一男無有手足形體似魚名曰魚身父母

終亡棄持家業寢卧室內又無見者時有力
士仰王厨食恒懷飢乏獨牽十六車樵賣以
自給又常不供詣此四姓求所不足曰累年
仰王飲食常不供足恒抱飢餓聞四姓資財
巨億故來乞丐魚身請與相見示其形體力
士退自思惟力石乃耳近不如無手足人聯
取其物往到佛所問其所疑世或有勢尊如
國王者死無手足殖富乃爾近我筋幹國中
無敵而常抱餓飲食不足何緣如此佛言昔
迦葉佛時魚身與此王共飯佛沒時貧窮驅

使助之魚身具所當得已與王行而謂王言
 今日有務不得俱行廢此事為斷我手足無
 異故時行者今王是也不行失言者魚身是
 也時貧窮佐助者汝身是也於是力士心意
 開悟即作沙門得阿羅漢道也

舊雜譬喻經卷上

音釋

圯皮部切閱欲雪切訾將支切叔初加切絆
 羈牛博漫切調丑琰切瘥楚餘切跛補火切
 偏廢委羽切贖神屬切崎嶇崎丘奇切
 崎嶇嶇山嶮也嶮危也躡倒也躡益切嬌乃了切擻
 險也蘇口切湏乳勇切摘手格切哺奔模切撼
 振舉也莫結切輶輶苦感切輶輶苦感切可音消廐
 手拔也居人切頗滂禾切劇竭戰切妊如鳴切
 馬人也羝壯羊也倍部項切勢音豪俊
 羝壯羊也倍部項切勢音豪俊

永樂北藏

舊雜譬喻經

第一三〇冊

舊雜譬喻經卷下

聚九

吳 康 僧 會 譯

佛爲諸弟子說經時有射獵人擔弩及負十有餘死鳥過往觀佛其意精銳願聞說經心欲聽受佛則止不爲說之獵人退去便言若我作佛必普遍爲人說道無所違逆阿難問佛此人撰情欲聽典教何以逆之佛言此人是大菩薩立心深固昔爲國王於衆婬女意不平均不見幸者共鳩殺王王生射獵家諸婬女皆墮鳥獸中今畢其罪後又成就若爲

說經恐其意懼墮羅漢道故不爲說耳

昔佛寺中有金釜以烹五味供給道人時有凡人入觀見金釜欲盜取之無所因緣詐作沙門被服入衆僧中間上座論經說諸罪福生死證要影響之報不可得離之證盜人意中開悟內懷慙悔撰情專心則見道迹思惟所由釜是我師特先禮釜繞之三匝爲衆沙門具自道說夫覺悟各有所因心專一者莫不見諦也

聚九

昔阿那律已得羅漢衆比丘中顏容端正有

似女人時獨行草中有輕薄年少見之謂是
女人邪性洩動欲干犯之知是男子自視其
形變成女人慙愧鬱毒自放深山遂不敢歸
經逾數年其家妻子生不知處謂已死亡悲
號無寧阿那律分衛往至其家婦人涕泣自
說其夫不歸乞勾福力使得生活阿那律默
然不應心有哀念乃至山中求與相見此人
便悔過自責其身還成男子遂得還歸家室
相見凡得道人不可以惡向之反受其殃也
昔有比丘於空閑樹下坐行道意樹上有一

獼猴見比丘食下住其邊比丘以餘飯與之
獼猴得食輒行取水以給澡洗如是連月後
日食忽忘不留飯獼猴不得食大怒取比丘
袈裟上樹悉裂敗之比丘忿此畜生以杖捶
誤中墮地獼猴即死數獼猴並來噪囀共舉
死獼猴到佛寺中比丘僧知必有以則合會
諸比丘推問其意此比丘具說其實於是造
教自從今日比丘每食皆當割省留餘以施
蠕動不得盡之檀越勾飯由此爲始也
昔有鰲遭遇枯旱湖澤乾竭不能自到有食

聚九

之地時有大鶴集住其邊鰲從未哀乞相濟
度鶴遂銜之飛過都邑上鰲不默聲問此何
等如是不止鶴便應之應之口開鰲乃墮地
人得屠裂食之夫人愚頑無慮不謹口舌其
譬如如是也

昔有沙門令凡人剃頭剃頭已頭面著地作
禮言願令我後世心意淨潔智慧如道人道
人言令卿得慧勝我其人作禮而去後命盡
生忉利天天上壽盡來下生大姓家作子
後得作沙門智慧得見道迹此至意所致也

昔有梵志從國王勾王欲出獵令梵志止殿
上須我方還乃出獵追逐禽獸與臣下相失
到山谷中與鬼相逢鬼欲噉之王曰聽我言
朝來於城門中逢一道人從我勾我言止殿
上待還今乞暫還與此道人物已當來就卿
受噉鬼言今欲噉汝汝寧肯來還王言善哉
誠無信者我當念此道人耶鬼則放王王還
宮出物與道人以國付太子王還就鬼鬼見
王來感其至誠辭謝不敢食也師曰王以一
誠全命濟國何況賢者奉持五戒布施至意

卷九

三

其福無量也

昔阿育王常好布施飯食沙門令太子自斟酌供具太子默恚言我作王時悉當殺諸道人道人心知太子瞋恚謂太子言我不久在世間太子驚曰道人明乃爾知我心意即反念我作王時當供養道人勝我父心遂和則去惡就善道人言比卿作王時我生天上已太子曰聖哉沙門後作國王以五戒十善爲國政遂致隆平矣

昔有四姓取兩婦大婦日日以好飯供養沙

門沙門日往取飯小婦患毒之明日沙門復來小婦則出取鉢以不淨著鉢中以飯置上授還沙門沙門持去於山中適欲飯見不淨則澡洗鉢後不敢復往小婦口中及身體則作死人臭見皆走避後壽終墮沸屎地獄如是展轉三惡道數千萬歲罪畢得爲人常思欲食大便不得腹中絞痛後爲人婦夜起盜食大便如是數數夫怪之便往尋視見婦食屎此宿命行所致也

人有四難得成一者塔二者招提僧舍三者

飯比丘僧四者出家作沙門是四事以立其福無量所以者何三界時有耳已得作人復有財產能拔慳貪之本應時惠施功業託立是亦難得誰能知此福者唯佛耳

佛言比丘不以飯食轉相呼爲親道唯以經

聚九

法轉相教戒爲親耳比丘以飯食美味轉相貢施見世於比丘善名後世無所應於佛得惡論何以故外行家見比丘言佛弟子但以美飯食好衣轉相施耳誰教者是佛也於佛得惡論比丘以經戒道法轉相請乃爲大親

厚耳何以故外行家見比丘言佛弟子但以經戒道法轉相施耳無他相與於比丘現世得善名後得解脫於佛有善論何以言之佛是比丘師教弟子但以經道是故不必以飯食爲惠也但以善言轉相施上耳

佛言比丘當知足何等爲當知足謂趣求一衣一食常在經行念念不念外求能止不亂意是爲知足亦不當知足謂所謂經戒若得四禪及四空定須陀洹斯陀舍未可計知足也如是爲不當計足矣

有比丘分衛道住促迫卒失小便行人見之
皆共譏笑言佛弟子行步有法度被服有威
儀而此比丘立住失小便甚可笑也時有外
行尼犍種見人譏笑此比丘即自念言我曹
尼犍種裸身而行都無問者佛弟子住小便
而人皆共笑之如是者我曹師爲無法則故
人不笑耳將獨佛弟子法清淨有禮儀易爲
論議故便自歸佛所作沙門即得須陀洹比
丘譬如師子衆獸中王人中師所語當用法
行步坐起當有威儀爲人法則不得自輕自

輕自毀以辱先賢也

天王釋及第一四天王十五日三視天下誰
持戒者見持戒者天即歡喜時以十五日天
王釋在正殿坐處自念言天下若十五日三
齋者壽終可得吾位矣邊諸天大驚言但十
五日三齋乃得如釋處有比丘已得阿羅漢
即知釋心念白佛言寧能審如釋語不佛言
釋語不可信爲不諦說何以故十五日三齋
精進者可得度世何爲釋處如是爲不諦說
爲未足信誰能知齋福者唯佛耳

海中有大龍龍欲雨閭浮利地恐地無當此
水者龍意念地無當我兩者還自兩海中耳
佛惠弟子威德甚大欲以施外行九十六種
道家恐無能堪者是故佛弟子展轉自相惠
耳譬如龍自還兩海中也

昔有梵志年百二十少小不妻娶無姪洑之
情處深山無人之處以茅為廬蓬蒿為席以
水果為食飲不積財寶國王婢之不往意
靜處無為於山中數千餘歲日與禽獸相娛
樂有四獸一名狐二者獼猴三者獼四者兔

此四獸日於道人所聽經說戒如是積久食
諸果蓏皆悉訖盡後道人意欲使徙去此四
獸大愁憂不樂共議言我曹各行求索供養
道人獼猴去至他山中取甘果來以上道人
願止莫去狐亦復行化作人求食得一囊飯
麩來以上道人可給一月糧願止留獼亦復
入水取大魚來以上道人給一月糧願莫去
也兔自思念我當用何等供養道人耶自念
當持身供養耳便行取樵以然火作炭往白
道人言今我為兔最小薄能請入火中作炙

以身上道人可給一日糧免便自投火中火
爲不然道人見免感其仁義傷哀之則自止
留佛言時梵志者提和竭佛是時免者我身
是獼猴者舍利弗是狐者阿難是獺者目犍
連是也

昔有五道人俱行道逢雨雪過一神寺中宿
舍中有鬼神形像國人吏民所奉事者四人
言今夕大寒可取是木人燒之用炊一人言
此是人所事不可敗便置不破此室中鬼常
瞰人自相與語言王當瞰彼一人是一人畏

我餘四人惡不可犯其呵止不敢破像者夜
聞鬼語起呼伴何不取破此像用炊乎便取
燒之瞰人鬼便奔走夫人學道常當堅心意
不可怯弱令鬼神得人便也

昔有國王棄國行作沙門於山中精思草茅

爲屋蓬蒿爲席自謂得志大笑言快哉邊道

衆九

七

人問之卿快樂今獨坐山中學道將有何樂
耶沙門言我作王時所憂念多或恐鄰王奪
我國恐人劫取我財物或恐我爲人所貪利
常畏臣下劫我財寶反逆無時今我作沙門

人無貪利我者快不可言以是故言快耳

昔有國王大好道德常行繞塔百市未竟邊國王來攻欲奪其國傍臣大恐怖即行白王言有兵來者唯大王置斯旋塔還爲權慮以攘重寇王言聽使兵來我終不止心意如故繞塔未竟兵散罷去夫人有一心定意無所不消也

昔有國王行常過爲佛作禮不避泥雨傍臣患之自相與語王作意何以煩碎乃爾王耳聞之王還宮勅臣下行求百獸頭及人頭一

枚來臣下白王言已具王令於市賣之皆售獨人頭不售臣下白言賣百獸頭皆售此人頭臭爛初無買者王語傍臣汝曹不解耳我前者過佛所爲佛作禮汝曹言王意煩碎欲知我頭者如此死人頭不潔淨當以求福可得上天汝曹愚癡不知反言煩乎傍臣言實如大王所說叩頭謝過臣等愚不及王後復出臣等皆下馬爲佛作禮以王爲法也昔有國王出遊每見沙門輒下車爲沙門作禮道人言大王止不得下車王言我上不下

也所以言上不下者今我爲道人作禮壽終已後當生天上是故言上耳不下也

昔有人死已後魂神還自摩挲其故骨邊人問之汝已死何爲復用摩挲枯骨神言此是我故身身不殺生不盜竊不他姪兩舌惡罵妄言綺語不嫉妬第九不瞋恚不癡死後得生天上所願自然快樂無極是故愛重之也

昔外國有沙門於山中行道有鬼變化作無頭來到沙門前報言無頭痛之患目所以視色耳以聽聲鼻以知香口以受味了無頭何

一快乎鬼復沒去復化無身但有手足沙門言無身者不知痛痒無五藏了不知病何一快乎鬼復沒去更作無手足人從一面車轉輪來至沙門道人言大快無有手足不能行取他財物何其快哉鬼言沙門守一心不動鬼便化作端正男子來頭面著道人足言道人持意堅乃如是今道人所學但成不久頭面著足恭敬而去也

昔沙門於山中行道裏衣解墮地便左右顧視徐牽衣衣之山神出謂道人此間亦無人

民衣墮地何爲匍匐著衣沙門言山神見我
我亦復自見上日月諸天見我於義不可身
露無有慙愧非佛弟子也

昔有六人爲伴俱墮地獄中同在一釜中皆
欲說本罪一人言沙二人言那三人言時四

聚九

人言涉五人言姑六人言陀羅佛見之笑目
犍連問佛何以故笑佛言有六人爲伴俱墮
地獄中共在一釜中各欲說本罪湯沸踊躍
不能得再語各一語便迴下一人言沙者世
間六十億萬歲在泥犁中爲一日何時當竟

第二人言那者無有期亦不知何時當得脫
第三人言時者咄咄當用治生爲如是不能
自制意奪五家分供養三尊愚貪無足今悔
何益四人言涉者言治生亦不至誠我財產
屬他人成爲得苦痛第五人言姑者誰當保
我從地獄中出便不復犯道禁得生天上樂
者第六人言陀羅者是事上頭本不爲心計
譬如御車失道入邪道折車軸悔無所復及
也
折羅漢譬喻抄七首

昔佛遣舍利弗西至維衛莊嚴刹土問訊彼佛三事佛身安隱不說法如常不受者增進不舍利弗即承佛威神往詣彼刹宣命如是彼佛報言皆悉安隱於時彼佛轉阿惟越致輪為七住菩薩說法舍利弗聞之從彼刹還姿色光明行步勝常佛告舍利弗汝到彼何故按步怡悅如是舍利弗白佛言譬如貧家飢凍之人得大珍寶如須彌山寧歡喜不佛言甚善舍利弗言我到彼刹得聞彼佛說阿惟越致深奧之事是以欣踊不能自勝佛言

善哉如汝所言佛語舍利弗譬如長者大迦羅越純以紫磨金摩尼珠為寶內有掃除銅鐵鉛錫棄在於外糞壤之中有貧賤者喜得持歸言我大得迦羅越寶寧是長者珍妙寶非答言非也佛語舍利弗汝所聞得如是貧者彼佛所說但十住事及在舉中清淨之者張九汝所聞者不足言耳舍利弗即愁毒如言我謂得寶反是鉛錫舍利弗說是事時無央數人皆發無上平等度意無央數人得阿惟顏住也

昔摩訶目犍連坐於樹下自試道眼見八千佛刹意自念言如來所見尚不如我作師子步行詣佛所佛告目連汝聲聞種今者何故作師子步目連白佛我自所見八方面八千佛刹想佛所視又不如我故師子步佛言善哉目連所見廣大乃爾佛告目連譬如燈明比方摩尼相去甚多佛言我眼所見十方各如十恒沙刹一沙爲一佛刹盡見其中所有一切有從兜術天來入母腹中者及有生者有出家行學道者有降伏魔者有釋梵來勸

助者有轉法輪一切說法者有欲般泥洹者有已般泥洹燒舍利者如是等輩不可計數我持是眼悉已見之佛放眉間毫相之光徹照上方放身中光遍照八隅放足下光明洞照下方各百千刹應時十方諸刹六反震動其大光明無所罣礙時目犍連即於佛前見無央數千恒沙邊刹其中所有如佛說前佛言佛屬所說十恒沙刹今佛所現乃爾所乎佛語目連用汝不信故小說耳今我所現如是之比不可勝計摩訶目犍連聞說是事身

衆九

十一

即躋地如太山崩舉聲大哭我憶知佛有是
功德今方如此寧令我身入大泥犁右脇見
者過於百劫不取羅漢目連便言諸在會者
世尊說我神足第一尚不足言所作功德不
及知此何況未有所得者耶發心所作當志
如佛莫得效我化爲敗種一切會者龍神人
民無央數千皆發無上平等度意發大道心
者即得阿惟越致已得不退轉者皆悉逮得
阿惟顏住也

昔有龍王名曰拔城威神廣遠多所感動志

性急慙數爲暴虐多合龍共爲非法風雨霹
靂震殺人民鳥獸蠕動積無央數有尊羅漢
萬人自共議言若殺一人墮地獄一劫百償
死罪猶故不畢今者此龍殘害衆生前後不
訾遂爾不休轉恐難度幸當共往諫止之耳
時佛知之讚言善哉汝等出家求無爲道欲
救一切危厄之命度有罪者大快當爾是爲
報恩時諸羅漢自相謂言不足乃使萬人俱
行於是一人各各更往輒被危害不能自前
還相謂言雖獨行不能降化屈折此龍使改

爲善當更合會萬人功德俱時共行即都復
往龍放風雨雷電霹靂萬人驚怖不知所至
逆爲所辱頓伏來還阿難白佛此龍殘殺乃
爾所人及諸畜獸其罪大多已不可計今復
加電怖萬羅漢雨其衣被狀如溺人其罪深
大聚九巨復勝計是時佛在耆闍崛山與萬菩薩
萬羅漢俱往詣異山到龍止所龍便瞋恚興
暴雨疾雷電霹靂其放一電令辟方四十丈
若至地者入地四尺欲以害佛及菩薩僧時
電適下住於空中化成天華佛放光明廣有

所照諸在山中射獵行者遭值雲雨杳冥迷
或不識東西合萬餘人皆尋光來詣佛所住
龍復霹靂放下大石方四十丈若石至地者
陷入地中當四十丈石於佛上與前華合化
成華蓋小龍電石各方一丈亦皆如是前諸
羅漢見龍災變各懷恐怖前依近佛龍於雲
間自見電石化爲華蓋懸於虛空而不下至
復自念言我當以身堅自繫結令四十丈欲
以投佛及衆僧上即時自撲無所能中遍身
毒痛倒地甚久舉頭開目仰視見佛我之所

爲皆不如意疑是尊妙無上神人於是小龍而皆自撲無所動搖龍王是時即便命盡上生爲天諸餘小龍亦皆并命得作天子皆悉來下住於佛邊佛告阿難汝知是天所從生不對曰不及佛言屬者諸龍興惡意者汝言罪大不可勝計自撲在地發一善心知佛爲尊命盡爲天此者是也天聞佛言及諸天子皆發無上平等度意是時獵人諸在山中來詣佛者皆自念言此龍之罪尚得解脫我之所害方知此龍蓋亦無幾欲發道意心尚猶

衆九

十三

豫佛告阿難此萬羅漢欲度諸罪力所不任若無我者爲龍所制不能度惡還益其罪欲度一切當先禪定思惟可度然後乃行汝等不能度者但薩阿竭能度不度是時獵人聞說如是皆發無上平等度意天龍人民其在會者佛爲說經皆得阿惟越致昔龍王拔坻與釋迦文佛共爲婆羅門拔坻弟子時有萬人見釋迦文爲人才猛捨其師事釋迦文拔坻懷恚罪至爲龍佛德旣成多度一切弟子萬人皆得羅漢龍惡遂盛廣欲爲害萬人愍

傷故欲往度曾爲師故四道雖足猶受其辱
若爲菩薩龍欲加惡終不敢也

昔有一國人民熾盛男女大小廣爲諸惡性
行剛弊兇暴難化佛將弟子到其鄰國五百
羅漢心自貢高摩訶目犍連前白佛言我欲
詣彼度諸人民佛即聽之往說經道言當爲
善若爲衆諸惡其罪難測覆一國人皆共撾
罵不從其教於是復還舍利弗謂目犍連欲
救誨人當以智慧如更見毀舍利弗白佛我
欲詣彼勸度人民佛復聽往爲說經戒復不

從用而被唾辱摩訶迦葉及尊弟子合五百
人以次遍往不能度之咸見輕毀阿難白佛
彼國人惡不受善教多所折辱辱一羅漢其
罪不訾況乃違戾爾所人教當獲重罪虛空
不容佛言此罪雖爲深重菩薩視之靜爲無
罪佛遣文殊師利往度脫之即到其國都讚
歎言賢者所爲何乃快耶詣其王所皆面稱
譽各令大小人人聞知言其勇健其復仁孝
其有膽慧隨其所在應意歎譽皆歡喜不能
自勝言此大人所說神妙知我志操何一快

聚九

十四

善衆人各持金寶香華散菩薩上咸持好鬘
錦綵衣服甘脆美味飲食餽饌供奉菩薩皆
發無上平等度意文殊師利謂人民曰汝供
養我不如與我師我師名佛可往共供之福
倍無量一切甚悅隨文殊師利往詣佛所佛
爲說經應時即得阿惟越致三千國土爲大
震動山林樹木皆讚言際文殊師利善度如
是佛告阿難深大之罪今爲所在五百羅漢
躡地淚出菩薩威神所化如是何況如來可
復稱說耶我爲敗種無益一切也

昔佛坐樹下時佛爲無央數人說法中有得
須陀洹有得斯陀舍有得阿那含有得羅漢
者如是之等不可計數時佛面色無有精光
狀類如愁阿難深知佛意長跪白佛禮侍佛
以來未曾見佛尊顏無有光明如今日也有
何變應令佛如此今日誰有失大行者誰有
爲惡墮地獄者誰有離遠本際者耶佛告阿
難譬如商客多持珍寶及數千萬遠行求利
道逢盜賊亡失財寶其身裸住無以自活寧
愁憂不阿難白佛甚愁甚劇佛告阿難我從

卷九

十五

無數劫來勤苦爲道欲救度一切人民皆令
得佛我今已爲自得作佛而無一人作功德
者是以不樂身色爲變阿難白佛今佛弟子
有得羅漢已過去者今現在住及當來者不
可計數有得阿那含斯陀含須陀洹亦爾叵
計云何無因功德度者佛告阿難譬老公嫗
生十數女當能典家成門戶不阿難言不能
也佛言雖有羅漢無央數千因我法生猶非
我子會亦不能坐佛樹下故譬如生女雖爲
衆多行嫁適人公嫗孤獨我亦如是時佛涕

泣墮三滴淚三千世界爲大震動無央數天
龍神人民皆發無上平等度意應時佛面端
正悅好無數光明千億萬變十方徹照倍異
於常其見光者無不蒙度阿難白佛何以重
光神變妙好乃如是佛告阿難如老公嫗祠
天禱地求索子性晚得生男豎立門戶豈不
歡喜而自勞賀今諸一切發摩訶衍意是以
踊躍佛種不絕故也佛遣須摩提菩薩上國
六千億恒沙數刹令詣彼國取師子座衆飲
食具如伸臂頃還來到此嚴莊師子高廣之

座請諸一切無不會者其發無上平等度意者皆坐自然師子千葉金蓮華上座有於七寶交露帳中及於七寶樹下坐者豎諸幢幡七寶為柄天錦為幡天繒為華蓋佛應時令大千國土變為浴池七寶蓮華滿其中生佛自變身現作菩薩第九或復現形如釋梵十六四天王者廣為大檀供養一切百味飲食其香廣聞十方一切其聞食香皆發無上平等度意香香遍身從毛孔出展轉復聞毛孔之香者亦發無上平等度意十方無涯底刹為大震動

刹刹諸佛各遣左右尊菩薩來賀釋迦文因一切人民多發菩薩心之故也中有持紫磨金蓮華來者有持摩尼寶蓮華來者有持明月珠蓮華來者各各持雜尊寶蓮華共散佛上佛之威神皆令所散合成華蓋覆遍十方無央數刹華蓋光明亦照諸刹幽冥之處恒為明泥犁薜荔禽獸六畜皆發大意咸欲求佛佛為一切會者說經不可計菩薩皆得阿惟顏住復不可計天人得無所從生法忍復不可計龍神人民得阿惟越致復一切菩薩

和薩皆發無上平等度意

昔有一人年少貧苦行詣他國得一甘果香
美且大世所希有輒愛惜之不敢飭嘗心念
父母欲以果與即持果歸還維耶離時佛入
城與諸菩薩大弟子俱詣長者家就檀越請
聚九
佛適過去人未至家手持果投在佛處從少
十七
及長未曾聞佛見佛足跡相輪如蓋光色衆
變亦無缺減便住足邊視之無厭心自僥倖
亡悲亡喜地之行跡猶尚乃爾況此人身誠
非世有度是行人必當來還我當輟置父母

之分待此人至以果上之佛未周旋人坐路
傍悲思淚出道路行者來問此人爲持果坐
此悲耶答言守此無極尊跡待留神人冀其
當還欲以此果自歸上之遲見光顏未得如
願自鄙薄祐是故悲耳行路問者聚觀如雲
豈怪此人謂之狂癡詎知行者還存何所斯
欲待之乎佛到檀越長者家坐衆僧集訖以
次坐定長者大小手下飯具衆味遍設皆悉
備足佛遙達觀道中守跡持果延竦欲上佛
者於是食訖檀越自念世尊尊達觀屬不見及

即遙呪願外持果者將以所供有不可乎佛告阿難長者供具福往耳所爲雖廣意有所冀心懷四懼志在滅度外有年少手持甘果一心無他專守我足跡慈悲待我思欲上果用一切故發大道意是以在座並遙達親長者念言是人果施而無異饌佛歎其德甚爲高妙我雖豪富所設爲豐計意輕重福爲不如願侍隨佛往見此人佛便起座到守跡人所菩薩弟子長者居士并餘衆輩應時皆從彼持果者遙見佛往身相衆好光踰日月即

前迎佛稽首作禮因以此果長跪上佛即發無上平等度意佛放光明徹照無極三千世界爲大震動十方諸佛及諸菩薩應時皆現如鏡中像不以遠近無不見者佛受其果轉施諸佛等令一果周遍無極十方諸佛及諸菩薩各從袈裟伸金光手放千億焰其焰十八端各各自然有寶蓮華珠交路帳師子之座上十九有坐佛及諸菩薩皆持寶鉢受得此果各持一果神變遶觀釋迦文佛亦復如是於此世界照曜十方虛空神天一切充滿八維上

下無空缺處皆助歡喜讚善稱歎三界諸菩薩皆得應蒙時上果者得起忍佛授其決後當作佛號果尊王無上正覺所有國土如阿彌陀刹應聞世尊所刹國土自然清淨得阿惟顏長者居士向道跡者無數千人不退轉地大度其德如是也

昔佛往到第二忉利天上為母說經時有一天壽命垂盡有七事為應一者項中光滅二者頭上傳飾華萎三者面色變四者衣上有塵五者腋下汗出六者身形瘦七者離本座

即自思惟壽終之後當棄天座七寶殿館浴池園果自然飲食眾妓女樂更當下生於拘夷那竭國疥癩母猪腹中作子甚預愁憂不知當作何等方便得免此罪有天語言今佛在此為母說經佛為三世一切之救唯佛能脫卿之罪耳即到佛所稽首作禮未及發問佛告天子一切萬物皆歸無常汝素所知何為憂愁天白佛言雖知天福不可得久恨離此座當為疥癩母猪作豚以是為毒趣受他身不敢為怨也佛言欲離豚身當三自歸言

卷九

十九

南無佛南無法南無比丘僧歸命佛歸命法
歸命比丘僧如是日三天從佛教晨夜自歸
却後七日天即壽盡來下生於維耶離國作
長者子在母胞胎日三自歸始生墮地亦跪
自歸其母跪身又無惡露母傍侍婢怖而棄
走母亦深怪兒墮地語謂之熒惑意欲殺之
退自念言我少子怪若殺此兒父必罪我徐
白長者殺之不晚母即收兒往白長者言產
生一男甫初墮地長跪又手自歸三尊闔門
怪之謂爲熒惑父言止止此兒非凡人生在

世行年百歲或八九十每尚不曉自歸三尊
況兒墮地能稱南無佛好養視之慎無輕慢
兒遂長大年向七歲與其輩類於道邊戲時
佛弟子舍利弗摩訶目犍連適過兒旁兒前
禮足言和南舍利弗摩訶目犍連舍利弗摩
訶目犍連驚怪小兒能禮比丘兒言道人不
識我耶佛於天上爲母說經我時爲天當下
作猪從佛之教自歸得人比丘即禪亦尋知
之即爲呪願言咨黎祇兒語目連及舍利弗
願以我聲因請世尊諸菩薩僧并及仁等目

連舍利弗然受其言兒便還歸白父母言屬
 者遊戲見佛第二弟子過即因請佛及四輩
 飯願辦其甘脆父母受之從其所言異其年
 幼開發大意又奇所作探識宿命為極珍妙
 盡世名味求具精細過踰兒意佛及眾僧各
 以功德作神足來到兒舍飯父母小大供養
 畢訖行香澡水如法皆了佛為說經父母及
 兒內外親屬應時皆得阿惟越致自歸之福
 所度如是況乃終年修道教乎
 舊雜譬喻經卷下

永樂北藏

舊雜譬喻經

音釋

洑弋質切 噪也 嚙噪先切 到到切 群群切 鳥鳥切 鳴鳴切 絞絞切 古古切 巧巧切
 刺也 孩音亥 拔拔音蒲 坻坻音池 慙慙音速 祭祭音十
 又曰梵語 魏魏音小 聲聲也 嫗嫗音威 過過音稱 老老音切 飭飭音輸 小小音荷
 餒餒音免 子子音身 也也 熒熒音互 惑惑音火 星星音也

第一三〇册